



Inatsisartuni ilaasortaq, Juliane Henningsen (Inuit Ataqtigiit)

**Annersaasarneq akiorniarlugu suliniutinut tunngatillugu § 37 naapertorlugu apeqquut nr. 169-imut akissut.**

Asasara Juliane Henningsen

Qanigisariit iluini persuttaasarneq akiorniarlugu suliniutinut tunngatillugu apeqquutinnut qujanaq. Akissutikka ataani atuarneqarsinnaapput.

21. juli 2015  
Sagsnr. 2015-116427  
Dok. Nr. 2016954

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

- 1. Nakuusertarneq akiorniarlugu aningaasaliissutit 2 mio. kr.-it ukioq manna ukiunilu tulliuuttuni aningaasaqarnermut inatsimmi iliuusissatut pilersaarut piviusunngortinneqarnissaanut illikartinneqartut Naalakkersuisunit suliniutaasut qanoq pingaarnersiorlugit tulleriaarnilersorniarneqarpat piviusunngortinneqarnissaani?**

Naalakkersuisut 2015-ip ukiaanerani persuttaasartunut katsorsartinnissamut neqeroorummik ineriartortitsinissamik pilersitsinissamillu aallartitsinissartik pilersaarutigivaat, Persuttaasarneq akiorniarlugu Naalakkersuisut periusissiaat iliuusissatullu pilersaarutaat 2014-2017-imi Suliniuteqarfigisassaq 2 immikkoortoq 15 naapertorlugu. Pilersitsinermut atatillugu innarliisartunut paasititsiniaaneq ingerlanneqassaaq.

- 2. Nakuusertarneq akiorniarlugu aningaasaliissutit 2 mio. kr.-it Naalakkersuisunit nalilerneqarnerpat ilumut akiuiniarnissamut naammattumik annertussuseqartut?**

Aningaasaliissutit 2 mio. kr.-iusut 2015-imut sammisassanut pilersaarutigineqartunut aallartitsinissamut naammattut Naalakkersuisut nalilerpaat. 2015-imut Aningaasanut inatsimmi ukiumut aningaasaliissutigineqartartussat 2 mio. kr.-iupput ukiuni missingersuusiorfiusuni 2016, 2017 aamma 2018, iliuusissatut pilersaarummut toqqaannartumik katillugit 8 mio. kr.-it aningaasaliissutigineqassallutik.

Iliuusissatut pilersaarut pillugu siuariartornermut nalunaarummi allaqqasutut, Ilaqutariinnermut Peqqinnissamullu Ataatsimiititaliamut ulloq 5. Maj 2015 ilisimatitsilluni ataatsimiinnermi agguanneqartumi, nakuusertarneq akiorniarlugu suliniuteqarfigisassanut pingaarnertut kontomi 30.14.29-imiinnaq aningaasaliissutinut killilerneqanngillat.

Naalakkersuisut ilaatigut nuna tamakkerlugu qimarnuik Illernit pilersinnikuuat, soorluttaaq suleqatigisat avataameersut suliatigut aningaasatigullu ikiuutinik aalerfigineqarsimasut, soorlu qimarnuut pillugit suliani paasititsiniaanernut

qaffassaanernullu suliniuteqarfigisanit. Nakuusertarneq akiorniarlugu suliniuteqarfigisanut katillugit 2014-imut 2015-imullu minnerpaamik 15-15 mio. kr.-inik aningaasaliisoqarnikuuvoq. Tassannga 10-11 mio. kr.-it avataaniit pissarsiarineqarsimallutik, taassuma ataani Naalagaaffimmiit aningaasaateqarfinniillu assigiinngitsunit.

**3. Iliuusissatut pilersaarutit eqqarsaatigalugit Naalakkersuisut Kommuninik suleqateqarniarneri qanoq ilusilersorneqarpat?**

Persuttaasarneq akiorniarlugu Naalakkersuisut periusissiaat iliuusissatullu pilersaarutaat 2014-2017 pingaarnertut kommunini suliniuteqarfigisanut kajumissaarinertut tapersersuinertullu atugassiaavoq, ilaatigut qimarnuiit pillugit suliani amerlanerusunik pitsaanerusunillu neqeroorutinik pilersitsinikkut. Suliniut "Oqaatigiuk!" kommunini pisortanut sulisunullu annerusumik sammitinneqarpoq.

Iliuusissatut pilersaarutip sananeqarneranut atatillugu ilaatigut kommunit ataatsimeeqatigineqartarnikuupput, soorluttaaq pilersaarut kommunini soqutigisaqartunilu attuumassuteqartuni allani sivisuumik tusarniaaffigineqartarsimasoq.

**4. Suliniutaasut "Oqaatigiuk! Persuttaaneq unitsilli" aamma "Inooqateqarnerit.gl" aammalu "Aappariippugut?" Naalakkersuisut nangitseqarnissaanik eqqarsaasersuuteqarpat?**

Naalakkersuisut qulaani suliniutit taaneqartut toqqaannartumik malinnaaviginissaat pilersaarutiginnilaat. Ilisimasanik, siunnersuutinik ilinniartitsinermilu atortunik il.il. innuttaasunut sulisunullu atugassianik tunniussinissaq annerusumik siunertaralugu suliniutit pilersinneqarput – atortut suliniut aallartingikkallarmat kalaallisut pissarsiassaanikuunngitsut.

Naalakkersuisut ukiuni aggersuni nakuusertarneq akiorniarlugu suliniutinik allanik pilersitsiniarlutik pilersaaruteqarput.

**5. Illoqarfinni/nunaqarfinni qassini "Angerlarsimaffiup iluani nakuuserata oqaloqatigiitta" nuna tamakkerlugu aallarnisarneqarnikuuppat?**

"Angerlarsimaffiup iluani nakuuserata oqaloqatigiitta" pillugu akissuteqarfissamut periarfissiissutigineqartup iluani politiiniit paasissutissanik pissarsinissaq pisinnaasimanngilaq. Politiinit akissut Naalakkersuisoqarfimmit utaqqineqarpoq, Inatsisartunullu nassiunneqarumaarluni.

Persuttaasarneq akiorniarlugu Naalakkersuisut periusissiaat iliuusissatullu pilersaarutaat 2014-2017 pillugu siuariartornermut nalunaarusiami nassuiaat killiffimmullu takussutissiaq massakkumuugallaq innersuutigineqarpoq.

**6. Suliniummut tunngatillugu nunaqarfinni allatut aallarnisaaniarnissat pisariaqartinneqarneri naammattoorneqarpat tamatumani kommuneqarfigeqartillugu aammalu ilinniarnissamik neqeroorutit pisariaqartinneqartunik neqeroorfigineqarsimappat?**

Imm. 5 naapertorlugu.

- 7. "Angerlarsimaffiup iluani nakuuserata oqaloqatigiitta" Kalaallit Nunaat tamakkerlugu atuutilersinneqarnissaanut aningaasaliissutit qassit pisariaqartinneqarpat?**

Imm. 5 naapertorlugu.

- 8. Kiap akisussaaffigivaa "Angerlarsimaffimmi oqaloqatigiitta nakuuserata"-p piviusunngortinneqarnissaanut?**

Imm. 5 naapertorlugu.

Inussiarnersumik inuulluaqqusillunga  
Med venlig hilsen

Martha Lund Olsen